

與

稽

齋

叢

稿

湘春漫與上

叢稿第十三

長洲 吳翌鳳

乾隆甲寅首春歸自章門復應姜中丞之招將如潭
州以婦病遲至六月乃發仍盡室以行非得已也酒
邊花下詩多漫與離爲二卷以寧家湘春門內遂以

名編

甲寅

起六月

發鄂州

不辭觸熱上孤舟世事驅人豈自由十載無家成汎梗

五湖有約愧閒鷗。碧波如黛湘中水。黃鶴凌風望裏樓。
都是華胥堪一哂。柳絲底用弄輕柔。

岳州早發舉家渡湖余登陸

桂楫乘流發。藍輿破曉行。兩湖煙水白。一嶺暑風清。
篔簹竹藏邨舍叢。祠數驛程鷓鴣嘯。不斷頻起越鄉情。

長沙使院東偏舊有園。曰又一邨度香中丞葺。
而新之。暇日遊覽爰紀以詩。

棨戟門邊又一邨。閒雲終日護柴門。竹孫初長花如笑。
盡是天家雨露恩。

未植成都八百桑。先栽榆柳兩三行。十年種樹經綸寄。不數平泉草木莊。

朝來蠶笠聚東菑。一畝閒田過雨時。好與齊民修要術。拔葵何必羨公儀。

一桁青山映日寒。芙蓉秋滿石闌干。竹扉不用頻關鎖。容我朝朝拄笏看。

石臺玩月

秋清氣象澄。憑高況淒冷。登臺望明月。一片空明境。丹
丹素輝揚。離離絳霄迴。色映蓬山空。光逐去水永。湛然

水壺秋頓使塵慮屏須臾長風來搖蕩玉繩耿流雲過
青松飄忽去無影弦壘詎有常歲月行自省凌雲羨黃
鶴離思徒怲怲

客窗

冥冥客窗暮瑟瑟旅愁生夜靜風生籟天寒雨近城
傲無計補華髮直須驚欲倚崕峒劍雄心已漸平

乙卯

月盡九

觀海圖爲錢魯思題

積水環九州東南益蕩濤四明山高瀛海環極目寒空

莽蕭瑟平生侈讀本華賦瑣屑魚龍徵故實豈知別有
振奇人放眼滄溟登翠嶽怒濤盤空來瞥若游龍疾天
風吹衣映不留健鶻橫秋去如失茫茫一氣不見山但
見朝昏吞日月韓蘇筆勢妙千古君今亦是文章伯翻
然一吐胸中奇潮海雄文爭翕闕昔疑談天衍議論恣
旁魄卽今披圖有如此始信腐儒真蠡測走也江海人
願附圖南翻終期一快海若觀結伴來尋釣鼇客

水中雲影歌

白雲飛來輕且柔一水東去無停留水邪雲邪誰爲主

化機一片真悠悠。吁嗟此雲出巖穴，忽入春波互明滅。
隨風舒卷鏡中看，幻景乘空去何極。在天不可收，在水
不可掬。仰瞻俛察兩茫然，眩轉心魂晃遊目。人生富貴
寧有期，雲影變滅須臾時。我心無淨亦無垢，一任水天
雲亂走。

湘君祠

洞庭垂福地上帝，降瑤姬。祀典明禋，肅荒祠碧。蘚滋仙
風搖玉佩，夢雨灑靈旗。多事騷人詠，含情望九疑。

三吾懷古

猗彼元道州循吏三唐最煌煌春陵行汲汲如不逮冠
纓本虛假魚麥素恬退一身入畫圖清福天所賚湘山
山擁層巒悟溪蓄深黛峙以晤臺高唐亭屹相對嘉樹
卽甘棠溪山表遺愛遂令三吾名曠若開草昧後賢踵
故事與發凡幾輩營營搜巖壑擾擾紛藻績事徃名不
留真吾復誰在興懷漫卽風因之寄遐慨

愚溪

溪名傳柳侯乃以愚自玷東流入瀟湘柔波何激盪靜
碧澹無滯落花浮幾點對此適化機亦自忘謫貶知樂

豈終愚照空不待染終古溪上翁波平躁心斂

會溪銅柱歌

河北李花謝八姓尋干戈南楚迨迨介荒服一馬蹴踏
翻江波文昭嗣位逞威武震警羣蠻徙其主學士鋪張
戰伐勳遠向溪州立銅柱是時蠻首彭士愁

史譌作
士然立

威布惠雄溪州一朝舉兵犯辰禮蠻爭觸門爭相讐天
策軍開飛火箭瘴雨蠻烟日酣戰吹角風高破陳雲負
竭力盡輸邦甸銘功作記誓書來範金深刻何維哉柱
高一十有二丈環以青石蓮花臺文詞張皇太夸侈蚘

結蛇蟠字尤鄙功名敢擬伏波軍
譌脫差正歐陽史積薪救火笑當時
轉眼蕭牆血肉飛半壁但知爭尺土
全家誰信蹈危機彭氏還傳入百載
土疆雖徹旂常在回首溪州銅柱標
楚王宮殿成滄海

詠燕

東風漸暝入芳辰又見翻飛紫燕新
銜得香泥都上壘生成薄命慣依人
江南二月春如海上苑千門月似銀
底事營巢不思去滿身花雨楚江濱

又一邨看桃花二首

五
明霞簇簇倚風齊。上有黃鶯宛轉啼。只少清流相映帶。
不然便是武陵溪。

五溪烽火徹三春。無恙園花帶雨新。燕子飛來如解識。
看花不是種花人。

亭上

江雲欲雨不霖。巢燕將歸未歸。叢竹自搖風影。落花暗
點琴徽。

新霽同諸子看牡丹

幾日不窺園。綠陰遽如許。朝來積雨晴。秀色落窗戶。看

花有逸興。夙駕命儔侶。荒苞滋宿潤。含豔思一吐。背葉
獨先開。霞采風中舉。翩然長羣隊。房老勇先賈。餘芳悄
含情。譬彼十五女。遲開亦遲落。焉用催羯鼓。我昔梁園
遊。篋中洛陽譜。酒徒零落盡。春事浩無主。隨緣且爲樂。
聊復問老圃。明當續清遊。相與攜尊俎。

新茗

青箬封題緘。寄頻開。斂却喜色香。勺雲映帶潤。初經焙
雪。乳浮甘欲貯。春蜀嶺。火前三品細。家園雨過一旗新。
籠頭紗帽。剪來好得共王濛。賞更真。

新荷

低亞闌干十畝塘。新荷數點水中央。田田乍灑菰蒲雨。
冉冉微分杜若香。欲去未堪棲翡翠。卷來渾不罩鴛鴦。
滄浪池水柔藍染。記得催詩上野航。

新月

落日明霞黯未收。一彎已挂柳梢頭。低迷月色開煙徑。
容易清光下小樓。澹澹花香初入夜。疏疏涼影恰宜秋。
有人拜起珠簾卷。坐對銀河清淺流。

新綠

荷錢貼水竹生孫纔入春來便覺溫向曉晴山添畫本
澹煙喬木認孤邨劉郎去後花無影謝客堂空夢有痕
昨夜東風初過雨湘江一碧到柴門

新漲

寶馬嬉春事已非舍南舍北水成圍流紅逐浪香生浦
活碧浮光冷到扉曲沼喧波羣鴨喜斷橋喚渡幾人歸
何繇便趁輕航去直上江南舊釣磯

新涼

雨歇桐陰暑氣微閒庭宋宋掩雙扉屏圍燭影人初靜

香冷巢泥燕欲歸。西渚采菱催放艇。南樓待月喚添衣。
繩牀正有還鄉夢。蝙蝠棲檐莫便飛。

鄰歌

不是雛姬是小伶。歌喉啞啞轉春鶯。當筵想極婆娑態。
隔戶微傳點拍聲。擲笛定教諧抗墜。移牀應更聽分明。
夜涼側耳花陰下。瘦絕周郎顧曲情。

鄰鐙

鐙影誰家出綺疏。丁丁蓮漏四更初。憐佗倦女宜停翦。
愛爾幽人尚讀書。底事焚膏偏欲繼。定知結穗不教除。

匡○生○有○壁○何○妨○鑿○只○是○朦○朧○病○眼○餘○

鄰花

無○限○芳○菲○屬○比○鄰○戎○戎○幾○樹○出○橋○新○樓○高○遠○見○攀○枝○女○
風○送○時○聞○載○酒○人○學○語○雛○鶯○聽○不○隔○尋○香○倦○蜨○過○偏○頻○
何○當○拄○杖○敲○門○看○今○日○江○南○是○好○春○

鄰船

落○拓○江○湖○似○雁○行○夕○陽○影○裏○駐○連○牆○絕○憐○津○埃○前○塗○遠○
共○泊○蒹○葭○秋○水○長○湓○浦○琵琶○添○別○恨○橫○塘○問○訊○是○同○鄉○
峭○颿○待○得○明○朝○挂○回○首○煙○波○各○渺○茫○

偶閱陳迦陵集有此數題戲效爲之惟以五言爲
七言耳枚菴識

答汪竺香竝寄新詩一卷漫系此章用東坡美

陂魚詩韻

壯志思浮貫。月槎大言常。賦倚天。劍雙刃。跳脫不留景。
急掣流光真。一閃敝袍依舊碧。草黏短髮渾同素絲染。

在家萬事蟻旋磨。出外十年馬落塹。譬如淑女守深閨。

赤腳蓬頭墮茅店。居然忝竊筆硯間。大似春秋吳楚僭。

嗜癩有癖君真癡。

竺香嘗得顛疾

掣。簞無才。吾所欠。窮愁出語。

恣狼藉。癡癡填胸待鍼砭。勿言道遠會面難。但得舖糜
家口贍。歸來與子整旗鼓。急掃詞壇傾宿臈。

石琢堂學使索觀近稿附呈長句

我昔稱詩戒濃纖。一字百易格律嚴。要如酒醴淡彌旨。
又如食蜜中邊甜。有人勸我學韓杜。雖非所近力猶努。

氣衰又復宗齊梁。高岑王李

東川

參翱翔。一從身作江湖

客。世士翩翩恣旁魄。味別酸鹹識者稀。效顰亦遂拋繩
尺。去年無賴鄂城居。一月編摩付小胥。深覺蘊含終有
味。總然馳驟不如初。故人作別十寒暑。索我新詩意良

苦自慚嫫母見西施譬若雷門持布鼓君家哦詩不作
難襲人香氣如吹蘭吐詞雅取意能達調言冗語一例
刊當今風騷競馳逐近法王阮亭朱竹垞遠蘇陸究傅皮毛
得髓難舉世何人識高躅韞線翻勞玉尺量欣逢平晏
在詞場附詩聊博一笑粲莫道狂夫老更狂

夏日懷李子綸辰州

三湘炎暑酷永日氣如焚地溼蒸砂雨山空納火雲虞
卿仍躡屩王粲久從軍欲寄相思字衡陽少雁羣

長沙秋感四首

鄂渚淹長轂。星沙續遠遊。氣蒸山瘴癘。地僻鳥鉤輈。白
屋家家雨。青楓葉葉秋。感時更懷古。長嘯一登樓。
遷客非無宅。騷人尙有邨。楚風何日補。哀怨至今存。竹
上湘娥淚。雲中帝子魂。折麻誰與寄。有夢逐湘沅。
百舌噉殘雨。孤雲馭遠風。飛飛高樹杪。喋喋落花中。知
已惟長劍。離心逐斷鴻。無慘掩書坐。懷抱幾人同。
算樣沈沈急。秋聲冉冉頻。旅愁何計遣。華髮與時新。海
嶠魚龍氣。苗民戰伐塵。湘流正無極。含意向誰陳。

秋雲

一片魚鱗起爲霖亦已稀月邊光曖曖雁外影微微度
漢秋無迹棲山冷不飛西巖桂花落對爾憺忘歸

秋邨

秋原人事杳雞犬有餘閒到岸碧溪冷出牆紅葉殷無
多臨水屋一簇夕陽山川稻歸來晚家家自掩關

秋竹

離離過牆竹簌簌鳴清音微風一相戛悠然調玉琴洞
庭霜月苦湘浦淚斑深別與留高節鸞凰尚可尋

秋蘆

秋聲何太急。一片起滄洲。彌望白千里。長歌吟四愁。夕陽明斷岸。涼雨上孤舟。寒雁爭棲泊。嗷嗷正未休。

秋鐘

百八聲聲徹。寒鐘何寺傳。故鄉鳴夜半。楚館聽經年。韻逼清霜冷。音隨曉月圓。棲鳥眠不穩。磔磔落平川。

秋鶯

百舌欲無語。流鶯嗥自如。雙柑人去後。萬樹葉飛初。攪夢經秋冷。如簧帶月疎。漫勞砭俗耳。發日總憐渠。

秋蚤

寒煙迷曲徑繁響息爭鳴天與留高調宵猶逆幾聲悲
秋仍作客申旦漫相驚尚足催彊敵童兒莫便輕

寄懷二林居士果堂禪師

苦憶洪覺範相隨蘇長公閉關秋色裏得句佛香中餅
盜門風在飯依慧業同葑溪一輪月分照碧湘東

雜詩六首

葉公好畫龍見龍足不舉齊王喜吹竽挾瑟儕其伍營
道各有術外慕亦何補恃氣輕王融以貌失子羽且不
識今人乃欲與論古寥寥天壤間真賞乏儔侶祇應貪

蛤蚧焉用摸索取

終古此日月光采自長新不聞松柏枝開花媚陽春萬
物有本質造化還相因虛靈生衆妙微實氣不伸湛然
心境宋嗜欲非天真浮雲翳太空微瑕點貞珉所累不
在多要貴守其純因悟文章家致飾詎足珍

閒庭有荷蘭春至新葉抽時雨一膏澤冉冉綠且柔灌
水護螻蟻設障防鵲鳩長養遂其性馴致花葉稠嗟彼
藝花人計慮亦已周場師顧而笑弱植寧悅眸濃膏滋
糞土下比蕭艾儔揠苗智徒矜速化非所謀

員不可使方曲。不可使直。巧心寓規。渠哲匠示繩墨。紛
紛薄古。徒議論務深刻。清波揚狂瀾。嘉樹雜叢棘。恃此
鑿空智。詡詡矜卓識。豈知聖賢心坦率。無億逆道存不
下帶安所事。窺測多恐。混沌死茫茫。同守黑。

薄俗重軒冕。心輕白屋子。寧知垂令名。不必在膺仕。文
章與功名。殊塗不同軌。古來著述家。自能致青紫。非關
既通顯。然後傳姓氏。宣聖亦布衣。煌煌著遷史。或曰魯
司寇。官位非不美。然則孔無官。哲人竟其萎。嗟彼執執
徒。紛紛何足齒。

吾友彭尺木

升 紹

其言明且清吾友石執如

玉 韜

文章妙天

成胸中無渣滓筆底多晶瑩大雅日凋器後起紛縱橫
操觚累千百蝸蟾競爭鳴如彼二子和聲叶咸英譬
如優曇花徒令見者驚吾衰尚有作經此介石貞

黃耽岷書來盛誇南嶽之遊索余作歌

五嶽環鎮衡嶽雄離宮朱鳥星精通帝○愁○洞○庭○勢○旁○魄○
使○奠○南○服○開○鴻○濛○軒○翔○聳○拔○九○千○仞○地○靈○歛○吸○神○所○鍾○
石廩天柱最突兀森然一氣朝祝融少陵遐之久不作
何人登望追遺蹤耽岷黃翁老好事濟勝有具支吟筇

自言涉足不知險上封絕頂猶能窮七十二峯在足底
尊卑參列兒孫同渴日射壁影倒落江光隱見磨青銅
是時秋中正晴霽離離古樹明丹楓忽然天風來一望
景晦蒙山山出雲雲作海濤聲隱隱隨豐隆須臾日光
蕩雲氣見出朵朵青芙蓉此身震蕩若無主但覺靈異
蟠心胸我聞不禁興飛越徑思結束趨靈宮漾舟九面
浥蒼翠振策五嶺披蒙茸禹碑奇字錄藤篋異事驚倒
昌黎翁只愁蹤迹同汎梗江山笑客多塵容先鞭差快
爾能著側身西望何繇從

乞琢堂書與稽齋額揭諸相閒賦此

束髮事章句澹然寡所諧惟此篋中書日夕相與偕文章雖糟粕聖賢之所垂心與古人接縷入無朕乖積久覺深造曠蕩無津涯稽考詎有極虛靈埽煙蕪契彼曲臺語用以名吾齋

壯歲涉江湖陳編任殘缺祇餘耿耿心夢寐不能釋爲索玉堂書漫向行窩揭朝來開卷坐湛然心朗徹丹黃別謬譌摺拾收放佚離憂紛沓來得此自怡悅悅見古之人相對忘言說

湘春漫與下

叢稿第十四

長洲 吳翌鳳

乙卯

起十月

行路難

四座且勿喧聽我高歌行路難

解一太行盤盤九折坂未

抵腸中車輪轉

解二

乘車戴笠盟易寒息火煮冰那得温

解三束髮事章句老大復何有西隣富家兒腰間金印大

如斗

解四

寶劍光陸離幽并年少兒丈夫四十從軍不得

力不如少年能殺賊

解五

宿癩入宮王媵和親盜跖偏富

黔婁乃貧

六解

淑女守閨名倡倚市或則荆布或則羅綺

七解

天有顏回壽有彭祖千秋萬歲聖賢莫度

八解

我欲遊

仙大海茫茫我欲學佛迢迢西方

九解

不如飲酒腐腸濡

首不如著書聲名翳如

十解

行路難空長歎

越

芳樹

芳樹臨清池上有鳳皇鳴鳳皇自顧影上亦一鳳皇下亦一鳳皇鳴聲雖同形則雙與君本一心羽翮參翺翺聞君有兩心對面成參商不如置身清池旁與君長託芳樹芳

巫山高

巫山高。江水深。陽臺不見愁人心。陽臺不在江之浚。乃
在高高翠微裏。襄王去後曉夢空。一片行雲爲誰起。擊
巫鼓。彈神弦。估船日暮燒紙錢。廟門沈沈望不極。樯竿
老烏接人食。裴蘭泣露竹埽風。落日後聲喚秋色。

堂上歌行

堂上歌尊前。舞玉奴。弦索花奴。鼓手中杯座上賓。遺鈿
墮珥。酣嬌春圍鑪。促坐深深院。銀箭金壺夜將半。屏風
六幅展。春山甸線雙眸醉。來倦氍毹一片紅。可憐六幺

拍滾催哀弦華鉞網縵氣如霧貂裘漸暝烏帽偏颯然
尖風動簾隙翻訝疏窗晃蟾魄童奴披帷客離席雪積
玉階深一尺。

襄陽樂

野鴨逐流波楊柳生道旁解幫作颿幅送郎上襄陽
生長橫塘側不識襄陽城明朝白阿娘與郎同舟行

估客樂

送郎下真州望郎長江邊那得東北風吹郎倒流船

江南曲

七里彎環水千枝爛漫花倡家金作屋蕩子錦爲車淡
月吹笙院紅樓語燕家江南遊冶客隨意度年華

秋夜吟擬李長吉

老蟾泣露涼雲白隔院丁當練聲急蜀桐弦張手半生
博山無香漏板青畫羅屏風粉花凍三尺銀鐙照孤鳳
蓮塘葉爛多冷光細風吹碎鴛鴦夢

春曉曲擬溫飛卿卽用其韻

空庭溼霧紗窗冷金井轆轤響深綆日光斜漏枕閣邊
繡被餘香壓花影蘭房睡起春愁重六幅屏山隔殘夢

亂梳雲髻曉妝慵。閒御鏤金雙翠鳳。遊絲宛轉。蜨飛揚。柳線不如人意長。燕子銜泥點波去。微風吹綠。皺銀塘。

卓女吟

車騎雍容填巷陌。成都才子臨邛客。曲屏十二開綺筵。琴心彈出冰絲弦。燭花隔簾弄鬢影。歸向壚邊鬟不整。文園老去酒肆空。口莫琴臺碧雲冷。

翻風怨

鏤金花釵倒龍佩。佩聲釵色陳儀態。口香風細燭花搖。房老當筵主羣隊。柳絲垂煙花帶雨。昨宵猶向春風舞。

懶。儂。一。曲。淚。滿。衣。回。黃。轉。綠。須。與。期。

香兒歎

薛瑤英元載侍兒幼以香屑啖之長而肌膚香澤號爲香兒及載敗出爲里人

妻見蘇鶉

杜陽雜編

玉骨香肌丞相妾小字瑤英身姓薛良宵剪得渡河花
飛作空中五色霞淒淒晚嫁里兒去髻擁銀鐙淚如雨
勸卿止淚勿復嗔下堂尙有糟糠妻載妻王蘊秀河西節度使忠嗣女載
敗亦被收

秦娘引

風流太守翻隼旗城西五馬行脚躡鳳簫隱隱載後車

三五十一
泰娘自是傾城姝。銅駝夢冷蕭聲歇。羅袂銷香玉梳折。
皋橋無人弔花骨。露柳千絲泣涼月。

閨中四時曲

落絮遊絲近瑣窗。春風不上木蘭艘。生憎六幅湘簾卷。
紫燕飛來總是雙。

曲檻風荷香氣微。與郎終日對清暉。晚來一陣跳珠雨。
催得鴛鴦兩處飛。

金井梧桐葉落頻。庭階秋夜露華新。可憐清淺銀河水。
只渡雙星不渡人。

欲寄寒梅別路遙。郎情儂意兩相要。儂如池上水長合。
郎似枝頭雪易消。

牧牛詞

朝牧牛。平疇豐草青。油。油。暮。牧。牛。飲。牛。卻。在。溪。西。頭。有。
時。放。牛。牛。散。行。牛。蝨。撲。撲。牛。不。驚。牧。童。吹。笛。樹。邊。坐。日。
暮。衣。單。腹。中。餓。牛。來。不。來。何。處。尋。得。牛。乃。在。山。之。陰。白。
雲。英。英。天。欲。雨。叱。叱。驅。牛。渡。溪。去。

戰城南

戰城南。陳雲變。門旗初開。防飛箭飛。箭猶可飛。礮殺我。

煙塵蔽天大合圍城以南城以北屍骸撐拄馬蹏踏白日慘澹無光輝火伴見之不敢哭血漉漉飛鳥銜腸上挂枯樹枝幕府上功簿殺賊無數更徵精兵號防戍息鼓偃旗結營任瘞馬馱穀野鴉啄粟火龍焯焯蕺民屋健兒不健死士死君獨不聞胸中甲兵范老子

雌雄兔

城中兔羣雄復羣雌羣雄走躍躍羣雌哺雛何纍纍雞鳴狗彘鯨野狼來相逐雄者張其威雌者不敢伏峩峩釵而弁晝夜互踐更九十春光等閒度榆皮剝盡草不

生贖虎吼野狼走出門
趨步觸藩瓜忍死誓天不相負
雌雄兔傳英聲壯士聞之心膽驚
咄哉壯士莫漫驚古
來乃有夫人城

哀巢鷹

欽○鴉○嘯○羣○萬○千○百○燕○雀○啾○啾○
罌○魂○魄○蒼○鷹○結○巢○高○樹○顛○
一○炬○巢○空○族○全○赤○欽○鴉○勢○轉○橫○
蒼○鷹○憤○未○宣○翻○身○入○煙○
奮○一○擊○砉○然○劈○歷○開○弓○弦○
折○矢○墜○地○血○灑○平○蕪○
身○亦○斃○可○憐○燕○雀○噤○不○鳴○
浮○雲○悠○悠○隔○玉○清○君○不○見○楚○
國○毀○家○紆○難○者○春○秋○千○古○垂○
令○名○

一長歌續短歌三首

長歌悲短歌。少年無故忽衰老。丈夫名不挂仕曹。滯
豪削牘何太勞。僮牛賣糶隨所遭。

長歌緩短歌。急骨出形同瘵。蛟立人事浮雲與蒼狗。學
磨兜堅忍開口。此中惟可飲美酒。

長歌長短歌。短我獨胡爲。滯江館無家可歸。心煩憂況
乃二頃良田疇。安用濕濕十具牛。

懷湘曲

我所思兮湘之渚。飛龍衙衙兮瘵蛟舞。朝發軔兮中洲。

夕頰響兮橫浦悅帝子兮欲降又焱忽兮風雨張廣樂
兮矐莽奏陽阿兮激楚波礧礧其不寧兮意儻侗而誰
語我所思兮湘之陰下有湛湛之流水兮上有青青之
楓林折疏麻兮欲寄采春芳兮幽尋路曼曼其修遠兮
眇千里于同岑何茱萸之彌望兮申椒蘭而獨吟我所
思兮湘之曲蒼梧迢遙兮九嶷綠駕我舟兮夷猶就陬
詞兮躑躅耳紛紛兮嘯鳩目修修兮篁竹吾將緬重華
之遺則兮蔽白雲于空谷我所思兮湘之皋解玉佩兮
誰要女嬋媛其繁飾兮羌胡爲乎飄蕭欲剗方而爲圓

言禾一
兮心。蒞結而徒勞。眄湘波以騁望。兮聊。欒風以消搖。

演禽言八章

鵲鵲鵲

鵲鵲鵲防失腳下山愁上山樂。

淘河

淘河上河成坡陀下河長青莎隄防高高潰則那。

鉤輶格磔

鉤輶格磔短刀長戟舌卷入喉古開口不得。

稽古

稽古秀才讀書作官府。升高堂。擗大鼓。泰山婦哭官府。怒。

行不得哥哥

行不得哥哥。洞庭六月風浪多。哥哥欲去當奈何。

姑惡

姑惡姑惡。姑不惡阿姑。發怒小姑樂。

鳳皇不如我

鳳皇不如我。今日鮮衣。昨日羸腰。閒丁冬玉。嗟嗟。

修月匠歌

段成式酉陽雜俎云太和中王秀才

一作鄭仁

本

遊嵩山見一人枕襪而臥因就之且問所

自其人笑曰君知月乃七寶合成乎月勢如

瓜其影則日燦其坳處也常有八萬四千戶

修之余卽其一數開幙有斤鑿數事言已別

去戲作修月匠歌

月○輪○團○團○七○寶○成○敲○來○鏗○作○頗○黎○聲○兩○儀○始○生○失○剗○鑿○
中○間○坳○埕○不○得○平○吾○家○剛○仙○運○神○斧○佐○以○八○萬○四○千○修○
月○戶○霏○霏○屑○落○飛○滿○天○散○作○繁○星○碎○光○吐○盤○古○歷○今○千○

萬年斧聲丁丁何日捐得毋隨修復隨長此匠亦應都
作仙廣寒夜冷酸風入十指凍皴斧斤澀偷向嵩山枕
幙眠桂影鬢盤露華溼羿妃孤坐兩鬢霜一斂寶鏡森
光芒兔兒抱杵作人立側聽修月何丁當祇慕縱貪頭
目眩燭龍回光輪郭見去聲山河十二影分明千古琢成
冰一片

馬詩七章效李長吉

房星降瑤精天馬徠西極不入蒲梢歌龍媒復誰識
黃池歎沙玉赤汗箭風雲用以駕鼓車終與凡馬羣

少陵歌瘦馬委棄非所惜飽食玉山禾便是權奇質
鹽車不辭服伏櫪志不衰說是渥洼逢羣鴛日笑之
道林賞神駿孤竹老知道朝秣一斗豆夕摧一束草
良馬自有德不在罄控煩良馬自有識不在芻牧恩
一馬絕塵飛一馬行步工雕鞍錦障泥說是連錢驄

夕陽八首和鮑以文

余與以文別九年矣江湖間盛傳其夕陽詩
二十首心甚豔之惜未能寓目也旅館多暇
遙和八章異日東歸當出以相質焉

料峭輕寒院宇幽夕陽一片冷光留分來西嶺無邊綸
收。入。東。隄。不。盡。秋。澹澹只愁消畫角微微猶自戀紅樓
休嫌薄暝黃昏近早見天邊挂玉鉤

向晚樓臺一笛吹林梢弄色最多姿遠隨極浦歸帆落
暝入遙空雁背知疏柳漁邨看向夕深春花鴨度何遲
西湖記得催吟屨生怕嚴城上鎖時

杭州門禁甚嚴遊
西湖者有背馱紅

日進錢
塘之諺

每見飛隨雁影來

元李裕詩夕陽
常共雁飛來

更無人處一裘裒積

垣斂采難重覓倦馬馱看又幾回紅蓼灘荒多落羽鳥

衣巷冷有蒼苔。分明淺絳南宮畫。暮靄平鋪一角開。

屋角風微散酒顏。蒼黃景色最相關。紅歸高柳遊車少。

澹到平蕪倦鳥還。老我生涯原落拓。多君留影尙徧爛。

闌干曲曲凭來徧。看盡分明山外山。宋詩夕陽山外山

閒倚枯藤眺望奢。彎環流水遠隄斜。采菱舟散擎荷覆。

五代李珣詞競折圓荷遮晚照驅犢人歸折箬遮。冉冉窗紗餘旖旎。林

林人影亂塵沙。一旗尙有殘紅颭。指點前邨酒可賒。

雨過遙邨噪暮蟬。詩人門巷未闌珊。千林黃葉渲晴色。

幾疊青峯護晚寒。望裏玉鞭隨路杳。誰家紅裏倚樓看。

無慘聞共山僧話埽徑涼風墮
羸冠

廢苑荒臺是處同古今寥落感何窮
光殘老樹歸雅外
秋在閒門倚杖中天意有心存晚節
客懷無際瞰長空
轉愁一霎流光變化作輕霞幾縷紅

半掩柴扉心迹清一林烏相更分明
孤邨短笛遲歸牧
芳草長亭促去程帶得閒雲留古剝
引將獨客上荒城
愛佗一段昏黃景不是韋莊賦不成

昔人稱韋莊詩
篇篇有夕陽

兩夜檢亡友孫澹于遺墨愴然有作

抽刀斷流水斷極水更流涼風吹夜雨
夜夜西窗幽西

窗引領看雲樹苦憶吳門結心素
虞詡居然虎觀流

勛之

李膺妙得龍門譽

百勉

遂于座上識孫郎
五十華年鬢未

霜落落寧辭鳳棲泊軒軒祇覺鶴昂藏
江南二月花如

綺六曲橫塘水清泚東道主人能揖客
北山處士俱風

靡詞壇勅敵吳兩生

王百川
毛上清

分曹角勝何縱橫
詩顛伐

盡山中兔酒渴騎來海上鱷誰知勝引
不長在孤雲還

山水歸海虞卿窮愁病且死我亦西遊
壯顏改西遊五

載去楚鄉飄然琴劍遊大梁灌嬰城邊
風雨橫屈原祠

下煙波長歲月悠悠劇飛輕可憐處處
舟車送旅館難

招舊兩魂孤。鎧只照停雲夢。前歲逢君攬揆辰。七十猶
龍彊健身。今春忽在冬。郎札令子鶴歸華表。經三春君
于壬子正月長江異日。風颿掣無限。離情待君說。流浪
年七十有一。江湖欲去難。青山滴淚嗟。何及李翁八十葑水頭。傳聞
亦復歸山丘。折梅無處問鄉隴。兩生消息如雲浮。賤子
年來頭總白。感舊懷人意悽惻。忽得孫郎數首詩。淚痕
點點和殘墨。殘墨零紙讀未已。涕泗滂沱拂衣起。側聽
幽窗颯沓鳴。更漏沈沈鼓聲死。

平苗篇

乾隆六十年春正月黔楚之交苗民不靖大
吏奉 天子命討之冬十一月軍中文報疊
至言苗勢日蹙指日蕩平因作此詩

五溪古荒服攢嶺箐深蔽中有苗人居傳是槃瓠裔狔
狔狔獠獠其種不一類榛狂無知識而苗獨很豳白花
與青紅別衣以爲識織罽爲桶裙鎔金作纏臂緣險走
若飛多疑性偏忌有時結門款各峒敵血誓約緩
急相救謂之門款旦旦
守信誓三苗分北後羈縻不深治後世設土官專責使

聯綴猶然肆劫掠出爲邊鄙累我 朝大懲創歸流盛

防。衛。不。以。化。外。視。一。氣。歸。陶。鑄。奈。何。復。跳。梁。乃。致。煩。天。
吏。推。厥。起。釁。由。積。漸。非。無。自。熟。苗。入。版。圖。供。役。如。奴。隸。
生。苗。職。賦。稅。深。藏。若。魑。魅。布。寨。衆。星。羅。纏。腰。一。刀。利。持。
山。以。爲。險。桀。鰲。本。難。制。峒。長。苦。誅。求。恐。喝。百。其。計。有。司。
不。時。察。漢。奸。復。旁。熾。激。爲。走。險。心。遂。成。負。隅。勢。紛。紛。徧。
崖。谷。擾。擾。無。行。次。兵。來。鳥。獸。散。兵。去。螻。蟻。萃。焚。掠。市。井。
開。洶。洶。肆。吞。噬。致。令。蚩。蚩。戢。肝。腦。塗。邊。地。帝。心。赫。斯。
怒。廟。謨。以。次。示。上。公。偉。謀。畧。中。丞。儲。糗。糒。桓。桓。諸。將。
校。秉。令。不。敢。貳。峻。嶺。側。足。登。深。淵。斷。壺。濟。總。此。七。萃。士。

深入抵其邊。羣苗驚不測。螳臂奮一試。槍急萬人呼。

杜句

制死不遑避。橫空結陳雲。陰峒消瘴氣。積骸莽山岳。捉
生痛殲薙。指日渠魁擒。清埃斥竿幟。饒歌馬上奏。班劍
軍前賜。靈雨洗甲兵。長風埽宇堦。南人不復反。編戶悉
安。父伊昔重華。朝舞千載典。記武功與文。德千古歸一。
致。卷。擇。功。既。成。善。後。事。非。易。勉。哉。守。土。官。惠。政。起。凋。敝。

懷友詩十四首

歙縣鮑明經

廷博

以文

刊盡叢殘苑。委披江湖陳。起是吾師絳。雲汲古都銷。歙

玉軸牙籤好護持。治有梅根空素業。鑪焚柏子寫烏絲。
夕陽傳得騷人詠。想見微吟倚杖時。

吳江陳孝廉 毓咸 受之

潁川公子氣如虹。門第清華迥不同。十載公車仍耗
五陵結客自豪雄。馬遷小婦能談史。李賀新詩盡惱公。
聞說五湖蝦菜美。東華休戀軟塵紅。

寶山毛大令 大瀛 海客

杜陵莫便歎無家。官鼓聲中放早衙。叩雅人歸雙鬢雪。
巴渝舞歇一叢花。淳于不厭遺鈿會。彥道何勞擲帽誇。

重問漢皋遊冶地新詩盡護壁間紗

海寧家上舍

騫 槎客

修竹千竿遶屋廬牙籤插架鄴侯居無邊海色蒼煙外
一枕潮聲曉夢初。禹筭早成文學論。國碑時考國山書。
坐看玉樹凌雲起。王氏優龍也不如。
謂令子壽照孝廉

嘉興張秀才

廷梅 羹若

灌嬰城下片颿收。重與聯牀話舊遊。春水一江人惜別。
斜陽滿院客登樓。由拳夢冷鶯花老。湘浦霜寒橘柚秋。
同是飄零歸未得。茸天征雁漫悠悠。

吳縣戴文學 延年 壽豈

匹馬燕臺又十年故人消息轉茫然
高。歌。市。上。無。屑。狗。
短。夢。山。中。有。杜。鵑。鼎。鼎。朱。門。誰。是。主
蕭。蕭。白。髮。儘。堪。憐
江東酒伴何人在一櫂歸來任醉眠

金匱楊上舍 播 永叔

歷下秋風客思搖鷗尾一舸送寒湖
南朝公子青樓管
西里才人碧玉簫儘有閒情歌捉搦
未容短笠濶漁樵
吟風閣上春如許綠酒青鐙未宋寥

秀水王大令 復 敦初

使君兩度縮銀黃。又報單車入洛陽。砥柱河流經雨壯。
龍門嶽色接天長。春風行部花千樹。夜閣開尊燭兩行。
樂府旗亭爭畫徧。雙鬢誰不羨王郎。

元和顧上舍

元暉

翰集

癡絕城東顧虎頭。記曾同作少年遊。笙歌一艇官橋夜。
風雨聯牀水閣秋。一自征颿迷北渚。至今離思又南州。
自楚中轉紫雲零落楊枝別。萬里天涯客正愁。
客廣南

陽湖楊大令

倫

西和

杜陵風雅今誰繼。楊億文章迴絕倫。倚馬不嫌才太健。

猶龍木是性難馴春風桃李鱸堂滿

嘗主江漢書院講席

江國兒

童竹馬新想得王哀廢詩日雲溪風物總傷神

時以江西貴溪

令丁外
艱歸里

漢陽葉中翰

繼嬰

桐封

石林家世本東吳漢上談經聲價殊自入銅龍多歲月
空令夜鶴怨江湖階翻紅藥春初永案列湘囊興不孤
若問漢皋留滯客著書今已號潛夫

長洲王孝廉

芭孫

念豐

烏衣馬糞數諸王夷甫清談遠擅場華髮不應如我老

少年誰更得卿狂。十年朱邸雄文貴。萬壘青山客夢長。
人海莫嫌傾頓。盡年來知己闕炎涼。

陽湖劉孝廉

嗣緒簡之

鳳城楊柳客愁牽。花月蘭陵路幾千。錦字書裁春色裏。
黃金臺冷暮雲邊。九天縹緲金莖露一段。淒涼白雪弦。
湖海舊遊今漸老。更何人問孝廉船。

江夏僧

可嶺鐵舟

蕭然白足繫行藤。瓶蓋生涯自擔簦。凡聖祇今誰慧業。
江湖從此有詩僧。石牀掃蕘琴三疊。花院彈碁月一棱。

重到武昌幽絕處教人那不憶南能

湘春漫興下

清瀏雜詠上

叢稿第十五

長洲 吳翌鳳

嘉慶改元之歲自長沙轉客瀏陽山城僻陋無同好
相徃還吟興遂減明年丁巳秋廣寧趙純齋來宰是
邑已未秋夏邑李東川復來自郴州相與唱和篇什
遂多未幾東川歸里壬戌秋杪純齋亦別去余獨淹
滯于此斷梗浮萍益無聊賴矣辛未春彙次十餘年
之作離爲二卷曰清瀏雜詠

丙辰

黃三我自衡陽書來告歸寄懷二首

一條拄杖影玲峴自署江湖老客星五十年來頭白盡
楚山何似故山青

笈囊僕亦老關河送汝能爲忼慨歌今夜峭驪何處泊
碧湘無際雁聲多

丁巳

贈孫少白兼簡懃嬾真

看花歷水雪不爭桃李春結交滿吳楚未若孫郎真孫
郎湖湘彥矯矯軼其羣一笠走四海低顏訪時人寥寥

二三子此外誰堪親赤肩負行李洗足瀏水濱詣余講
舍中相於如弟最高論越流俗浩歌激風雲謂今詩教
衰風雅賴子尊自反何足道聞言起逡巡孫郎岸不顧
那○畏○旁○人○瞋○騏○驥○恥○伏○檻○蛟○龍○不○藏○淵○馥○馥○蘭○蕙○花○肯
與蕭艾鄰老大事章句蕭然竟長貧挾此希世姿不得
排天闢濁酒澆枯喉胸中鬱嶙峋勲生古狷者卓犖亦
等倫齷齪當世士有如眼中塵古來草澤中奇才每沈
淪鹿門與谷口千載思其人何須感蠖伏與世爭屈伸

怪鳥行

夜寐猶未安。侵曉羣動起。庭際一鳥喧。啁啾聒人耳。一鳥隨和之。繁音詎能理。飽滿盤穹蒼。拏攫無時已。但聞色然怒。不見沾然喜。詩人賦黃鳥。宣尼歎知止。此鳥不知名。雙飛借枝爾。聞鳥有鴟鴞。聲惡狀可鄙。漫以意揣之。或者毋乃是。非無挾彈郎。側目怒相視。猶恐污吾手。翻然斂弓矢。先生晝無事。忍飢誦經史。枯坐了不聞。此心如止水。

畫扇爲葉遜菴時遜菴將如衡山

泉聲落澗樹。猶溼嵐氣侵。衣鳥不聞昨。宵夢到上封寺。

七十二峯多白雲

礪南漁者歌爲鄭廷載賦

礪南漁者菰蘆客。編草爲蓑箬爲笠。渡口千章錦樹紅。
門前一片春山碧。有時不漁還賦詩。詩成嘯傲臨苔磯。
得魚換酒自斟酌。醉來罔得珊瑚枝。昨夜山頭雨如注。
持竿出門天欲曙。貪看煙中白鷺飛。雙鯉揚鬣撇波去。
自向江頭理釣綸。徃來漁者誰相親。武陵風景久零落。
礪南日日桃花春。

少白歸華容後以詩寄懷

離思無聊賴。閉門畫亦局。愁看芳草色。人隔暮山青。知爾扁舟去。乘風過洞庭。平沙多落羽。蕭瑟詎堪聽。

憶青陰樓古松悼汪亮疇

百尺長松磊落栽。風櫺拓處共裴裴。最愁暮雨張燈夕。疑有秋潮擁樹來。人去漫憐荒蘚合。燕歸不見綺樓開。桃花潭水重經日。蛻骨殘鱗定可哀。

詠寓齋後圃木芙蓉

胡爲絕世姿。落此荒原裏。轉蓬與蔓草。繚繞烏能已。野客澹無事。步履日延企。秋風一披拂。擢秀從此始。淡白

媚朝光。竊紅映流水。花如解人意。高枝夕逾綺。詎以風露繁。損彼顏色美。舉世競春榮。誰能識其理。轉思朱寔濱。孤豔獨鞞鞞。不遇涉江人。零落同已矣。

寓齋遣意寄故園諸子和之

雖居塵市儼深山。斗室蕭然亦自安。從事待稽逢客少。新詩欲就得題難。清晨適志琴三弄。永夜窺人月一丸。寥宋真同楊子宅。憑君莫作壯遊看。

檢閱舊稿自題二絕

急管繁絲喚奈何。年來空作曼聲歌。篋中舊稿分明在。

轉覺乾坤清氣多

妙詣原從澹處尋春華埽盡見寒林泠泠譜出琴三疊
一任君聽空外音

歲暮寄懷趙純齋明府

不覺春意動一歲行將除閒門無人來坐對惟琴書起
行見西山寒翠澹欲舒長風蕩林薄空煙了無餘惜此
蕭疏景不與故人俱知君鎖印牀適意吟懷攄儻然半
畝天縣署齋名亦自愛吾廬

戊午

看桃花獨酌

短衣匹馬倦西東。會見山桃幾度紅。客裏風光寒食早。
酒邊況味故園同。正宜細雨門深閉。不是看花客莫通。
留待詩人伴。寥宋殷勤相與祝東風。

圃中桃花盛開園丁以其礙竹也去其最大者
一株感而賦此

畦西天桃開正繁。一林斫去護龍孫。漢宮多少如花女。
鉤弋從來未受恩。

雨不止書寓齋壁時舍弟有梅山之信

已作連宵雨。天涯況離羣。輕颿何日到。嗷鳥不堪聞。風色全歸樹。茶煙欲化雲。山桃與山杏。并是落紛紛。

米蠹

生無負郭田。筆耕事馳逐。年豐米價增。黽勉致饘粥。稍得餅疊儲。計日恆不足。胡爲蠹忽生。儼然聚其族。我家十餘口。幼穉雜僮僕。日食數升米。分口不盈掬。瀾生天地間。所望充飢腹。雖貧亦汝供。飽噉恣所欲。只恐歲事晚。生理多局促。忍飢吾所甘。悠悠將誰屬。

月夜飛鷄亭書示純齋

山城已遷改遺迹未全湮復此一亭古依然芳草春可憐古時月不照古時人流入君懷裏依依向我親

畢弁山制府輓詞

星實南天鼓角悲東山猶憶謝公碁征蠻事業標銅柱華國文章擅色絲未遂台階公所欠得叨末座我何遲已酉夏始識公于荊州杜陵廣廈今誰屬八百孤寒淚下時

石琢堂修撰出守重慶賦寄

乍撤金蓮下玉堂一麾出守棧雲長巴江盡處猶屯戍雪嶺秋來敢望鄉須識殘黎勞撫字漫云報國在文章

春陵政績成千古應有詩篇繼漫郎

遣興寄純齋大令

一片閒雲懶不收三年羈客此淹留
詩情楓浦餘流水遊興吾山入縣樓
書冊堆牀人未寐槐花落地雨飈飈
相逢閭里都稱說官長賢明歲有秋

晨起

晨起無一事步屨臨空階
仰視高雲徂徐徐飛鳥偕
所得偶清曠足以舒我懷
人生事微逐擾擾林壑乖
悠然還太初浩蕩真無涯

久不得余肅山陳樸香消息賦此寄懷

窮老無相識飄零憶舊遊如何吳苑月不照楚江流夜
雨雁呼侶孤吟人倚樓相思渺煙水何日放歸舟

石鞠歌

在瀏陽東鄉永和市中石上

羣山東來熊虎蹲危灘激石雷霆奔赤巖禿岫少高木
是誰插此千花繁滿布巨厓足宛宛成花邨朝暾倒景
入波底空明蕩漾疑若手可捫得非鮫人織不爾便是
蜀錦包瑛璠葳蕤開徧秋不落風來髣髴聞温磨天工
運巧斲山骨物理那得窮其源昨朝寓齋作重九霜花

未放園中藩有客款門至。割示一片孤雲根。玲瓏細辨
類刻畫。敲鏗固蒂含胚。渾傳觀不得。足清泉挹注。頗黎
盆。治蔕朵朵儼欲活。紛披五色猶逐波濤掀。我聞羅含
陶潛足迹不到此。何人對爾傾芳尊。貞香孤宋衆所棄
袞袞流俗何堪論。徒然事剗鑿取玩窮。厓垠石雖不言
我則閔不凋。霜露凋黥髡。狂生發奇想。急欲排天闕。願
天移置南陽甘谷水。坐使百齡上壽盈。乾坤

壘石橋歐陽氏山莊

長空旅雁颯驚秋。蹤迹依然逐浪鷗。步履不辭邨路遠

過橋卻喜野煙收。山光水色圍三面。竹雨松風擁一樓。
卽此清幽良已足。移家何必是滄洲。

歐陽惺軒水樓。凡仙名之曰望吾。

三間傑閣。俯溪濱。地僻真能遠市氛。古澗冷澌一輪月。
疏窻高納四山雲。庭空不隔松篁影。夜靜時來鸞鶴羣。
此去吾山知近遠。望中指點碧氤氳。

夜起

不寐披衣起。無憀獨倚欄。孤吟誰與和。殘月少人看。
遠樹煙中暝。秋聲竹外乾。砌蟲何太苦。猶自語更闌。

九月十六夜坐月有懷熊四閭門

揮我鄰上弦和子停雲吟皎皎寒月光照見千里心湛
然空明色不受風露侵宵涼戀人影意與我輩深故人
三載別相思詎堪任廣庭萬籟未獨坐蒼苔陰惜有盈
觴酒不得共子斟微風入幽篁戛然響清音秋氣之所
觸焉能不蕭森君知此耿耿積歲猶如今

冬日園居作

林梢無剩葉蕭瑟向殘冬愛此閒園靜渾忘客思重斷
靈明古澗疎鳥落寒鐘安得羊求侶同希塵外蹤

已未

憶梅有寄

孤山山下訪林逋，千樹梅花一酒壚。
昨夜翠禽啼不斷，重牽幽夢到西湖。

題李氏草堂次壁間韻

平泉獨樂總荒陂，隨意誅茅得自怡。
棗熟不嫌西舍撲，客來只向竹中窺。
焚香讀易聞雲度，拄杖聽泉笠帽欹。
獨有勞人歸未得，五湖風月待王爲。

初秋院齋閒坐

春庚秋轉換年華室有圖書便是家
滿地黃雲間不掃
桐花落盡又槐花

孤燕篇爲呂節婦作

燕燕巢雕梁雄雌一巢裏芳菲二月天
聯翩鬥紅紫巢成怪鴟妬雛生故雄喜
雛生竟不育故雄旋亦死怪鴟嘯其羣
挾雛競相委力弱不得敵展轉巢亦毀
巢毀不足惜無雛將安恃無雛亦大意
故雄長已矣冰霜何枝枝毛羽何從從
生死守空巢貞心視江水我歌孤燕篇
悲風颯然起君不見呂家新婦丁家子
苦節茹荼亦如

此。

書家白广遊廬山詩後

昔讀太白廬山謠眼中如見廬山高廬山高七千四
百丈九十九峯疊翠凌層霄東西林寺玉淵瀑身所未
至形難描記汎宮亭風色惡南康城門三日泊晨鐘夕
磬空外聞金光黛色船中落雲中五老舉手招未得探
幽理芒屨名山坐對交臂失乃欲侈談遊五嶽吾家仲
子真好奇與客一一窮攀躋

張古餘司馬同遊

披雲撥霧見真

面山靈如與騷人期新詩刻剗洩幽秘翻然笑我來何

遲○我○雖○天○窮○斬○孤○徑○尚○餘○四○壁○羣○山○響○終○當○一○笑○接○匡○
君○請○以○此○詩○爲○息○壤○

余所藏浯溪中興頌碑宋元間拓本也李東川
爲題三百二十字如數訓之卽次其韻

我徃嗜古碑儲藏詎論百洗剔黴苔痕珍重韓陵石非
徒證前史且欲志遺迹每對古賢書肅然手加額魯公
尤絕倫忠義出心畫什襲未敢輕連城那忍易可憐廿
年來散佚良可惜雲煙一過眼斤斤復何益祇餘磨崖
頌文翰等雙壁高秋風日晴摩挲置几席得逢鑒古家

把玩不能釋。緬彼元公文。典重與道適。重以平原書。一

一精誠積。思欲瞻其蹤。彌望春山碧。昔君居官處。實近

漫郎宅。

東川程令祁陽涪溪乃其治所

而我滯蓬蘞。勝境千里隔。此碑

不去懷。如物填肝膈。君言不足觀。今茲異徃昔。未聞愛

護勤。翻受剗剔戾。續鳧斷鶴脰。毋乃太惡劇。我聞古人

書。稜稜守風格。今人尙悅目。恣意事婉嬾。肥瘦易燕環。

顛倒置冠烏。剗刻徧山陬。鉤填到方冊。以彼愚公愚。成

此謫仙謫。君聞爲莞爾。氣感若鍼珀。賞我舊拓本。神采

尙奕奕。慨焉哦長歌。渾灑凌謝客。平原乃僊去。遺筆度

繩尺漫郎有道人政績猶藉藉君詩能道古諷詠欲終
夕。恍忽見古人。一片山月白。

重陽日純齋招同諸子集半畝天卽事有作兼

呈東川四首

昔年作重九落葉江南邨。白髮又今日黃花非故園。江
湖饒勝引潦倒負芳尊。茂宰能延客新詩對榻論。

吏散門閣掩天清池館幽壺觴能跌宕賓從最風流。莫
負藍田興真同梓澤遊。西風吹落葉散作一庭秋。

客似公榮飲天容我輩狂。縣河談口決岸幘放歌長。李

嶠真才子。吳生敢擅場。相攜成一笑。解髮濯滄浪。
不作登高客。知誰落帽才。夜涼山影合。燭盡雁聲來。正
有牀頭釀。何妨笑口開。後期能再卜。把酒重低回。

夜宿支翁堂寓齋

被酒不得去。書齋幽更清。一燈消夜氣。半榻共秋聲。短
髮嗟吾老。微言見爾情。良宵有同夢。迢遞到吳城。

不雨

七月不雨至九月。重陽已過炎如燄。花蟲嘬膚亂蠅集。
虛堂午睡何繇甘。此邦僻陋本山邑。羣黎託命惟長饑。

晚稻未登菜未甲。所望一雨同濡涵。何爲旱魃秋肆虐。
風輪轉水勞。丁男山谿有水亦枯竭。晝長不見飛征驅。
田翁倚耒商旅泊。仰天默坐如狂愁。油油作雲衆情喜。
氤氳似欲彌煙嵐。忽然狂風一解散。已見皎月升東南。
昨宵天宇黯如墨。椽櫓戰風風力酣。密雲漏雨灑急點。
紗窗日上晴光含。今歲早禾書大有。穎粟不滿貧夫貧。
年豐轉覺米價貴。富家過糴何耽耽。我生無田食破硯。
蘇句一十四口同飢。蠶起視餅甕少儲粟。欲呼庚癸非空。
談青天蕩蕩。踟踟不應陰陽錯。邈誰能參明朝降霜近冬。

覃
序晚涼習習衣先諳安得甘霖快傾瀉四民一昔恩皆

九月二十四日雨

不雨已三月驕陽氣不收回風一飄灑孤館始知秋安
得天河挽平添江水流三農慶霑足不獨爲身謀

得劉簡之書不得陳季馴消息

我昔武昌跨黃鶴乘風直上滕王閣滕王閣下多賢豪
潁川公子今俊髦阿翁開府擁旌旄就中賓從皆吾曹
醉後狂歌拓金戟意氣相傾無促刺公子居然魏信陵

鄙人不作平原客，誰知世事多翻覆。過眼繁華如電逐，
列柏臺前諫草飛。冰霜絕塞纍臣哭。是時我在湘南陌，
路隔重湖斷消息。客從豫章來相見，一悲喜失口問君。
家茫然不知旨。年來抑塞山城居。夢回孤館常嗟吁。秋
風忽躍湘江鯉。翻得劉生書。一紙依稀道爾寓。鳩茲望
遠茫茫隔江水。昔者與劉生共走梁園道。梁園舊日公
子家。只今池館生秋草。世事悠悠等逝波。雞蟲得失何
時了。祇有懷人一片心。矯首長空月皓皓。

眉樓墨歌 有序

縣齋小集酒半李東川出示舊墨一丸有金
書小篆眉樓二字眉樓者金陵舊院妓顧眉
生所居也此墨蓋其遺物眉生名媚事詳余
澹心板橋雜記東川自爲詩紀之邀余作歌

石州螺黛腰支細吮墨含豪競新翠。鷺高飛變鳳凰。
荆榛移圃成蘭蕙。金陵徃日盛繁華。金粉香濃燕子家。
夜月眉樓誰不羨。春風舊院有人誇。後來轉入尙書第。
共命文禽一雙翅。朝罷熏香解畫眉。妝成弄筆爭游藝。
黃山丹竈蕤松煙。萬杵春來鐵石堅。仿古製成易水法。

到今遣得沈珪丸。蒙園僊吏風騷客。寸璧藏來城不易。
鳳脰燒將照綺筵。豹囊開得聞薊澤。想見徐磨搏袞時。
柔荑淺蘸寫蘭枝。橫披側出天生秀。安藥添花絕世姿。
可憐淚下金盤露。葉落秋槐不知數。點墨空傳楚畹香。
濡豪忍續離騷句。龍賓十二散如雲。電火光幾度春。
兩字金書猶嫵媚。三層高閣失嶙峋。君不見我聞室內。
聯嘉偶一樣芳華鬥。詩酒紅豆無花拂水荒。令人空憶。
東風柳。

送東川歸夏邑

空山一夜雨。湘水漲寒波。不識征驅去。相思誰最多。蓬蒿開曲徑。芒屨點煙螺。已遂歸田樂。休爲勞者歌。

寄荅金華太守嚴少峯

故人出典金華郡。邀我去作金華遊。金華窮窳富巖壑。故人交誼何綢繆。十年楚澤無芳草。一夕蘭溪有客舟。爲語初平開石室。與君同醉棗林秋。

夜集兜率寺禪房聽施舜峯彈琴

弦月隱牆角。微輝照禪房。夜涼鐘梵杳。隔戶聞清香。山人抱琴來。一曲齧宮商。忽爲水仙操。流水聲湯湯。聽者

情爲怡我亦久旁皇老僧獨無言跣趺坐繩牀

純齋惠鱗

十輩扶來葦一枝夜涼真慰酒人思得從秋水蘆深處
惠我清尊月滿時澹澹蘼香人乍擘離離風影燭初歆
銅陽豪興差堪羨莫笑頻將左手持

懷東川

六○十○始○識○君○識○君○不○爲○遲○所○幸○一○尊○酒○日○夕○歡○相○持○聯
吟○三○月○餘○別○君○不○爲○速○寧○知○一○寸○心○傾○吐○不○得○足○我○客
十○三○載○君○客○二○十○秋○君○歸○我○未○歸○望○斷○江○南○樓○別○君○僅

一旬思君何時已蕭蕭落葉風渺渺洞庭水洞庭二千
里直溯汜河曲孤颿入寒雲今夜何處宿

作歌贈常譽堂少府卽送其入都

君。家。長。劔。雪。三。尺。拔。鞘。凜。凜。生。寒。芒。不。斬。鱣。鮪。斬。狐。兔。
酒。闌。拂。拭。心。茫茫。前。年。從。軍。在。巴。蜀。短。衣。縛。袴。爲。急。裝。
幕。府。論。功。進。階。級。秋。翎。分。得。鷓。青。光。今。年。假。職。來。三。湘。
雲。霄。有。路。期。騰。驤。用。違。其。才。志。不。展。如。以。枳。棘。棲。鸞。鳳。
洞。庭。十。月。寒。波。急。過。雁。無。聲。雲。疊。疊。忽。來。別。我。上。征。航。
千。里。嚴。程。向。京。國。執。手。進。一。言。臨。歧。莫。嗚。咽。君。不。見。鵬。

鶚盤高空攫身奮一擊古來英雄人志在磨盾墨方今
天子憂黎元祇氣未靖猶肝食秦豫闕山戰鼓鳴夔
巫郡縣煙塵黑丈夫致身自有地何苦區區戀冗職腰
間湛盧夜有聲胡不上馬去殺賊

十一月五日得東川長沙書卻寄

不遣征颿去若馳淹留無計竟長辭霜天旅雁傳聲急
煙嶺孤猿嘯月悲世事眞成蕉鹿夢高情共守歲寒枝
悠悠長路三千里此後應無見汝期

庚申

上元後三日大雪初霽純齋招集署齋席間限

苦字

五出○新○花○罷○飛○舞○樹○頭○老○鳥○凍○不○語○開○門○一○白○冷○光○搖○
鏘○作○清○虛○廣○寒○府○是○時○正○屈○落○鐙○候○九○陌○三○條○沸○蕭○鼓○
傳○柑○卜○蘭○尚○餘○典○僵○臥○袁○生○何○太○苦○折○簡○欣○逢○仙○令○招○

踏○雪○寧○嫌○東○郭○侮○

呼與夫不得
著屐而去

興○寒○會○上○酒○千○鍾○飛○鷄○

亭○邊○雲○一○鴈○觥○籌○交○錯○恣○諧○謔○議○論○飛○騰○縱○今○古○羨○君○

高○曲○儷○陽○春○

君先有
對雪詩

愧○我○微○才○非○繡○虎○令○嚴○白○戰○酒○更○

深○火○蕪○紅○鑪○夜○偏○煦○翻○思○葦○屋○當○邴○寒○盈○尺○瑤○花○壓○環○

堵壚頭酒價益復高三百青銅斗誰酤祇愁比戶有痼
瘵賴得神君同召杜男勤耕織女秉機寒有衣初飢滿
脯上天好生祥屢降率土占年豐可覩不辭矢口詠昇
平相與開筵事尊俎饜饜官鼓莫催更浥浥老梅香入
戶月光照雪夜更幽瑩淨冰壺物堪數好將餘漑酌劉
叉試拂蠻牋賦冰柱君欲作冰柱詩

純齋旣和余詩翌日別成五言一章依韻訓之

覽君白雪吟如入羣玉圃繫余下里曲餘未愧疆弩憶
昨事談讌主客共三五時同席者八人性以淡斯同交因道竝

聚三焦類坡翁大戶不予侮酒酣搖霜豪欲試雷門鼓
瑟縮同寒蟲奇語不得吐今晨霽色明新詩快重覩申
章瘦吟顏敢謂作詩苦

冰柱和純齋

積陰凍屋雪懸溜滴復停棱棱凝作柱逸檐挂瓏玲初
疑白玉簪巧匠所琢成又疑水晶宮幻出頗黎釘迎寒
出就坐徐徐拓風櫺裏首恣翹矚冰光射晶瑩兒童苦
作劇持竿旁軒楹砉然墮階砌玓作碎玉聲際此蕭寒
境適我冷淡情有語不得吐但覺心神清何如訟庭暇

郢雪頻酬賡吟餘更體物長歌調鏗鏘肯使唐劉叉專
得水柱名

庭梅作花詠之

屈曲苔枝四尺彊自開自落短籬旁墮階花片休輕掃
都是江南雪後香

贈趙實齋別駕卽送其還吉安任

自我來淮川獲與趙子交熱聞令弟賢山川悵迢遙王
程趨蜀道歸路鳴鞭鞘爲尋友于樂徑至不待招歡然
一握手氣誼等黍膠芳菲二三月花柳春風饒軒開半

祇天

令兄大令齋名

詩酒時招要佳言霏玉屑妙論窮風騷有

時。馱。不。語。坐。對。心。神。超。緊。余。守。孤。未。頗。厭。世。俗。囂。求。友。
四十年知音何寥寥一從識賢令快如飲醇醪士雲與
士龍壘篴喜同調吉安古名邦冠蓋紛前朝半刺非顯
秩窮達隨所遭祇期濟蒼生詎必光金貂只愁東門柳
行折風前條後會那可期使我心魂勞去矣行自愛清
白君所操如逢雙鯉魚尺書寄江濤

清明後三日同邵晴巖劉氏園看牡丹酒邊賦

此

落絮遊絲攪晚風。名園花事太匆匆。相邀野姿攜筇看。
喜有詩人著屐同。山翠暝。環三徑。綠花光。晴徹一闌紅。
提壺枝上如相勸。一棹觥船肯放空。

得沈蕢漁孝廉凶問愴然賦此并悼令弟芷生

進士四首

歲月催人委逝波。青山無語夕陽多。雲英已嫁何哉死。
腸斷當筵白紵歌。

一領淒涼博士氎。著書翻畏後人傳。空餘燠月揚州夢。
譜入雲和十五弦。

玉樹當年折一枝。綠春誰和斷腸詩。並生有和王條山
綠春詩三十首甚
對牀翻作黃泉約。不似逍遙夜雨時。

杵臼交期四十年。秋風旅雁各雲天。白頭故舊凋零盡。
誰哭機雲弔墓田。

瓶中牡丹花謝

一朵輕盈綠葉攢。膽瓶不放水泉乾。愛他婪尾三春豔。
餉我齋頭十日看。癡蝶過窗疑有約。冷風拂几惜初殘。
采雲飛去歸何處。欲向精廬問藥闌。此花折
自僧寺

寓齋柏樹歌

遊人登山望我室。參盤柏樹森森出。先生息足晝掩關。
舉頭見柏不見山。此柏不知何歲植。長梢拂雲根入地。
天風東來飄翠纓。須臾卷出秋濤聲。涼宇澌澌月初吐。
壁上龍蛇影可數。赤龍當空暑若焚。廣庭黶黶鋪寒雲。
亭亭一柱卓然起。絕俗離羣儼端士。尋常鳥雀不敢棲。
高處或有鸞凰飛。吟餘無事日摩撫。短鬢修頽爲余舞。
便當呼此爲柏僊。伴余小住三千年。

哭楊五橋孝廉二首

去歲一分手。便爲長別時。畢生同我拙。入口爲君悲。久

客成疏鬢沈疴，況路歧尚憐歸去。早猶及見妻兒。
倉皇聞赴日哀，極涕難零。白社人誰在，黃墟痛詎任。
早知死別苦，翻悔締交深。渺渺燕雲路，吟魂不可尋。

夜步池上有懷純齋

時以公事
留省門

明月出東嶺，西齋涼已多。蕭森池邊樹，影落池中波。
清景不可常，幽懷偶然適。如何澹蕩人，翻爲車馬客。

登道吾山憩興華禪院同遊者張初潛費芸軒
出郭十五里來登道吾山，道吾之山幾千仞，籃輿輒輒
行躋攀，舉頭已層霄。俛視皆羣巒，白雲滃合露顛頂。有

若○銀○海○羅○花○鬢○倏○然○長○風○一○解○散○蒼○巖○綠○野○紛○爛○雷○
公○殷○山○忽○吼○怒○歎○天○急○雨○橫○相○干○密○林○深○處○一○睇○視○乃○
是○瀑○流○千○尺○飛○落○懸○崖○間○怪○底○綠○山○盡○幽○澗○彎○環○一○水○
時○深○潺○老○僧○出○迎○客○伊○蒲○款○花○關○相○攜○小○步○競○指○點○數○
陳○古○迹○何○班○班○淙○泓○一○潭○水○說○是○龍○所○竄○我○欲○投○石○抵○
其○穴○道○人○駭○我○真○愚○頑○鐘○聲○送○客○下○山○去○回○望○積○翠○皆○
雲○煙○

閱篋中得汪容甫遺墨愴然有作

芒○掩○金○刀○室○絕○淮○零○縑○貯○篋○忍○重○開○十○年○結○客○無○知○已○

萬事傷心到劫灰。趙壹著書難解。擯。彌。衡。善。罵。亦。奇。才。
竹西卽是西州路。誰向秋風哭夜臺。

舟次嘉魚

孫曹爭戰地。繫纜惜悠悠。算。雨。人。爭。渡。天。寒。客。掩。篷。大。
江流不盡古迹弔。何窮城郭疎鐘起。寥寥幾樹楓。

漢陽署齋宣香坡置酒話舊有感四首

七年不踏江皋路。千里思君鼓棹來。隔水樓臺仍暮色。
依人燈火且深杯。熟知世事搏沙似。敢信虛舟觸浪開。
槩苦蔗甘嘗已徧。休教白髮更相催。

四十年前共此尊。只今猶有幾人存。雲山不負新吟興。
襟裊空餘舊酒痕。樹石平泉勞想像。松楸故壙擾心魂。
相逢都是羈愁侶。樺燭三條忍細論。

往事真成一刹那。塵沙小劫抵恆河。脊令原上秋風早。
鸚鵡洲邊夜雨多。紅豆有枝休采摘。白楊無樹不婆娑。
未堪重問西州路。况聽聲聲寡鵠歌。

令弟曾若姝塔江樹椿並已下世

君因薄宦滯天涯。我亦飢驅客是家。縱迹久同風外絮。
音塵休問月邊槎。十年畫地空成餅。一笑優曇未著花。
何日徃來成二老。吳山深處足煙霞。

漢上遇詹湘亭孝廉酒邊話舊卽送公車入都

二首

廿載一相見愈增離索情。月圓燈火內。心借酒杯傾。駁
骨千金價。深情一死輕。至今香冢上。不使草叢生。紀湘亭

放浪仍爲客。棲遲卽是家。依然攜越豔。猶憶飯胡麻。

府井華水

湘亭工填詞

滄江虹貫槎。春風消息近。看徧上林

花

汎郎官湖登梅子山小憩僧院

太白騎鯨遊青山。墓仙骨留此十傾湖。猶浸唐時月。卽
官爾何人翻藉名。不沒至今春洲上。芳草青未歇。我來
漾舟行。迤邐登突兀。傳是梅子山精廬。亦清絕。老僧點
秋茶。雪乳散飛沫。浮雲大別來。度水去飄忽。蒼茫懷古
意。長歎出林樾。

武昌三絕句

黃鶴樓邊夕照明。浮雲蹤迹可憐生。淒涼一曲相思引。
誰譜仙人玉笛聲。

城東潑眼翠螺明。只有伊人隔死生。

悼松泉也

欲上大觀山

頂望濁流怕聽大江聲。

蕭疎幾樹晚楓明野寺孤雲入望生我是歸來遼海鶴
七年前聽遠鐘聲。

與高瓚阿登洪山

長嘯馭天風登山四望通江流黃似線樹色黯成叢孤
塔千花外招提一磬中戰爭思往事感慨兩人同

明祖與陳

理大戰洪山下擒其驍將陳必先國遂以亡

風雪自武昌還漢陽

橫風北來江浪惡打頭雪片隨風落一葉扁舟薄暮開

遙遙直指晴川閣。翻思昨夜武昌城。地鑪火暖松膠傾。
津亭鼓吏笑相問。有底忙時必欲行。

送姜杜薌少保移節保定

一宵清話敘離情。銀燭光中感慨生。不惜我歸華髮老。
只愁公去雪山輕。仗移曉日弓刀隊。風入高城雁鶩聲。
此去保陽天尺五。五雲長傍泰階明。

香坡置酒話別

惜別一尊酒。臨歧還重斟。如將歸客意。寫入故人心。落
日鳥邊疾去。照煙外深悠悠。今夜夢回首。但寒林。

歲暮閒居

漢南歸客厭紛煩。歲晚端居不出邨。但有高歌消日墨。
那知清況負琴尊。貧逢儉歲偏增閏。背曝初陽便覺溫。
飢雀啾啾聲不去。更誰來破竹間門。

辛酉

寓齋感懷

誰憐老鶴帶籠樊。二月春寒獨掩門。積雨空庭荒蘚合。
獵風古樹野禽喧。民頑競貸監河粟。客久思迴勝母轅。
歸去故山良不惡。忘憂先樹此堂護。

春杪出城晚眺歸飲純齋署廬二首

衆綠宜新雨。殘花怯晚風。水將川路濶。雲帶夕陽烘。布
穀聲聲急。攜鉏處處同。客情無別事。但欲祝年豐。

今春三月盡。入歲一詩無。顧我老耽宋。因君興不孤。歸
雲隨步履。高樹勸提壺。仕隱兩俱適。寧嫌臭味殊。

苦雨

春來憂不雨。春去惜愁霖。渺渺芳塘水。平添一丈深。苔
痕生蔓綠。雲氣結重陰。不是空倉雀。誰知望歲心。

厝梁仲懷刺史知王二秋。滕已卒官偃師矣。感

念存沒以詩哭之四首

自與王郎別。星霜十度遷。襟期詩卷裏。消息夢魂邊。客
有傳凶問。神疑到楚天。茫茫生死路。南北總三千。

比部聲名久

尊甫穀原先生名又曾

清門汝最賢。論年乃弟畜。話

舊孰余先。賦雪邀枚叟。看花策馬鞭。梁園多勝引。回首

但寒煙

壬子歲與君相敘于歸德

縹緲吹笙日。雲煙緜氏顛。銘旌仍一令。最續未三年。清

節人誰問。詩名死或傳。師門遺愛在。相見哭重泉。

君爲
弁山

尚書門下士。尚
書亦經謝世

不信斯人死人言實果然早知文度慧且喜孟光賢辛
苦歸遺橄藟虞少薄田延陵餘一劔空許挂新阡

醉歌贈向惺菴廣文

天有酒星地酒泉杜康作神李白仙金張許史等蝶螾
惟有飲者多豪賢停君白玉卮聽我歌一篇君身頎然
長七尺沈雄意氣疑幽燕不能置君石渠天祿閒低眉
攤此一領之寒氎廣文齋舍冷于水兀兀坐聳吟詩肩
闌干苜蓿當梁肉惟有梨花竹葉蕩漾來長筵眼前清
濁詎須審醉後欲憑山作枕小兒握齧不解事拍手狂

歌笑茗芋城西。三月春光濃。樹頭有鳥。曉春風。曉出千
樹。萬樹桃花紅。且破十千沽。一斗渴羌泥。飲不用頗黎。
鍾牆東老尹。真好事。謂純齋甕頭時啟青泥。封塵中參錯。

四五輩飄蕭。白髮來車。公酒兵欲通天地數。君携戰

滿占五濡

頭大笑。驚童蒙。積然玉山扶不得。一拳兀自撐。高空嗟
我與君。竝世同形軀。一滴不霑血。欲枯此中。只可飲美
酒。世間誰是高陽徒。

寄懷沈蕢漁

前鶴傳已死。余有詩哭之。闕除日。知司諭全叔。

耿蘭有報。竟譌傳樂府。先歌鱣露篇。志士達生原。不死。

世○人○欲○殺○亦○堪○憐○一○官○苜○蓿○仍○江○表○三○載○音○書○隔○楚○天○
漫○憶○風○流○追○白○傅○海○山○證○果○定○何○年○

作此詩之明年卒于京師

六十自述二首

漸○覺○須○眉○改○居○然○甲○子○周○老○能○諳○世○故○迂○不○協○人○謀○詩○
句○緣○愁○得○雲○山○作○客○收○慈○闈○天○與○健○此○外○總○悠○悠○

就○閒○思○澗○壑○投○老○尚○江○湖○未○得○修○名○立○空○嘆○吾○道○孤○生○
涯○餘○破○硯○貧○薄○昧○良○圖○可○許○殘○年○內○猶○能○一○日○娛○

家稷堂閣學以待講視學楚南使院話舊卽送

還朝

緘翳何曾點翠珉玉堂雅望自垂紳南天桃李新文化
北道將迎舊主人向在鄂州嘗借榻使院遷轉不妨仍入座朝
廷終自識孤臣尊前重理王褒頌指點蓬萊紫氣新

聽泉圖二首

匹練飛垂界翠屏玉龍掉尾幾曾停誰知喧極翻成靜
小坐危厓盡日聽

坡老真成冠古才玉淵妙句剔蒼苔何如左蠡揚颺去
快聽匡廬瀑布來

清詞雜詠上